


Iroun Beretitenti
Dieter-F. Uchtdorf

Te Kauoman ni Kauntira
n te Moan Beretitentii



Bukintera bwa ti kainanoia burabeti?

Bukina bwa Tamara are i Karawa E tangiriia Natina, E aki kitaniia n nakonako rinanon te maiu aio n akea kaetakiia ao kairakiia. Ana Reirei Tamara are i Karawa a bebete ao aki bhibitaki ao aki anaaki man booki ake a kaboaki nako man te titoa ni boki. Bon taian reirei aika mwakaroiroi, iroun Teuare moan te mimitong are tangiriia Natina. A bautaki ana taeka aika kakawaki n roronako— kingin te kukurei n te maiu aei ao n te aonaba ae na roko.

E kaotii reirei Tamara are i Karawa nakoia Natina i aonaaba rinanoia Ana toro aika burabeti (taraa Amota 3:7). Man ana bong Atam, E a tia n taetae te Atua nakoia Natina rinanoia ana tia taetae ake a mwiokoaki ma kaotakin Nanona ao ana reirei nakoia tabeman. Taian burabeti bon taan reirei ao a teimatoa n riki bwa a na tia kakoaua ae onoti Iesu Kristo (taraa D&C 107:23). A aki tii taetae burabeti nakoia aomata n aia tai, ma a bon taetae naba nakoia aomata inanaon taai ni kabane. E neaa nakoia bwanaia rinanon tienture bwa ana kakoaua nanon te Atua nakoia Natina.

Te bong aio e aki kaokoro ma taai ake ngkoa. E aki uarereke ana tangira te Uea nakoira ma nakoia aomata n taai ake ngkoa. Teuana te karaki ae

mimitong n tain Kaokakin Ana Ekaretia Iesu Kristo bwa E bon reitinako n taetae te Atua nakoia Natina! E aki karabaaki n taian karawa ma E taetae n te bong aio n aron are taetae naba n taai ake ngkoa.

Te mwaiti are kaotii te Uea nakoia Ana burabeti a iangoaki n totokoa te nanokawaki ibukira n tatabemaniira ao n bobotaki nako. Ngkana E taetae te Atua, E reirei, ke ni kaitiaka, ke ni kauringiia Natina. Bwa ngaiia ni kabane ao ni bootaki nako a aki mutiakina Ana reirei Tamaia are i Karawa, a karaoia ma te reke ni kai, ni kammarakaki, ao ni karawawataaki.

E tangiriia Natina te Atua. Anne bukina are E a kaman bubuti nakoira rinanoia Ana burabeti. Kanga aekan are ti tangiria bwa te kabanea n tamara ibukiia aika ti tangiriia. Tamara are i Karawa E tangira te bwai ae te kabanea n tamara ibukira. Ao anne bukina bwa Ana kaetieti a rang bongana ao n tabetai a rang moanibwaiaki. Anne bukina ae E aki kitaniira n te bong aei ma e reitanako kaotakin Nanona nakoira rinanoia Ana burabeti. Rekenikaira ao rekenikain te aoanaba a otinako man ara kakauongo ao ara mwananoa Ana taeka te Atua ae kaotaki nakoia Natina.

Ana taeka n reirei te Atua aika akea booria nakoia aomata a kuneaki inanon te Baibara, Ana Boki Moomon, te Doctrine & Covenant, ao te Pearl of Great Price. E raonaki, ana taeka te Uea nakoira rinanoia Ana toro, bwa E na manga taekinaki riki n tain te maungatabu ni kabuta ae na manga roko.

Nakoia ake a mimi ngkana te bwai anne e kona n riki—antai ae na titiraki, “E koaua bwa e kona n taetae te Atua nakoira n te bong aei?” — ma nanou ni koaua I kaoi ngkami “Mai, noria” (Ioane1:46). Wareka Ana taeka te Atua aika kuneaki ni booki aika tabu. Kakauongo nakon te maungatabu ni kabuta ma te taninga ni kan ongo bwanaan te Atua ae anganiia Ana burabeti ni boong aika kaitira. Rooko, ongo, ao noria inanom! Bwa ngkana ko ukoukorua “ma te nano ae koaua ma nanomi raoi, ao te onimaki iroun Kristo, [te Atua] e na boni kaota te koaua nakoimi, ni mwakan te Tamnei ae Raoiroi” (Moronaai 10:4). Man ao rinanon te mwaaka aio, I ataia bwa E maiu Iesu Kristo ao E kaira Ana Ekaretia rinanon Ana burabeti ae maiu, are bon Beretitenti Thomas S. Monson.

Tariu ao mwaneu, E taetaea nakoira te Atua n te bong aei. Ao E tangiria bwa Natina ni kabane a na kakuongo ao ni ira nanon Bwanana. Ngkana ti karaoia, E na kakabwaiaira ao n tabekira rake te Uea ma te korakora, n te maiu aei ao n aonaaba aika a na roko.

RORONRIKIRAKE

Kairaki iroun te burabeti ae maiu

Iroun Christy Ripa

Ngke 16 au ririki E reke au tai ni ira te maungatabu ni kabuta ibon irou n te moantai. A maeka au utu i Oregon maeao, USA, ao ti buti nako Utah ni ira te maungatabu ao ni kabwaka mwaneu ae ikawai riki n te tienta n reirei ni mitinare.

I nakon te maungatabu ma te nano ni kan reirei-naki iroun te Tamnei ae Raoiroi. N tokina, I karekeea te kaotioti mairoun te Tamnei bwa N na bon aki karekeea ngkana I aki katauraoai.

N tain teuna te tetere, ni kabane a teirake ao a anenea te anene n taromauri, “Kairirira Ngkoe lehova.” Ngke ti anene, Iai irou te namakin ae kaokoro n taranako nakon te Tienta ni Maungatabu. I karaoia ao I oreaki n te mwaaka ni katiteuanaaki ma aomata aika ngaa ikekei ngke ti katakaruui bwanara n neboa te Atua.

Ngkanne iai te namakin irou ae aekan ae namakinna Nibwaai ngke nora te kaotioti ibukin te kai are kain te maiu, bwa E tuangai te Tamnei, “Noria” (taraa 1 Nibwaai 11–14). I taraa Beretitenti Thomas S. Monson ao n namakina te katiteuanaaki n te Ekaretia bukina bwa ti kairaki iroun te burabeti ae maiu. Rinanon ana kakoaua te Tamnei are Raoiroi, I ataa Beretitenti Thomas S. Monson bwa te burabeti ni koaua ibukin ara bong, ao I ataa lesu Kristo bwa E kaira te Ekaretia aei rinanona.



Onimaki, Utu, Buoka

Nati aine inanon Abanueau

Kamatebuwaia te karaki aio ao, n angaraoina, maroroakinna ma tiitita ake ko kawariia. Kabonganai titiraki ni buokiko ni kakorakoraia am tiitita ao ni karaoa te Bootaki n Aine bwa iteran maium ae kakammuwakuri.

Ngaira Natin Tamara are i Karawa naika aine. E ataira, E tangirira, ao iai ana babaire ibukira. Mwakoron te babaire anne e raonaki ma te roko nako aunteaba n reiakina te raoiroi ao te buakaka. Ngkana ti rinea kawakinan Ana Tua te Atua, ti karinea ao ni kaotira bwa Natin te Atua aika aine. Te Bootaki n Aine e buokira ni uringa te bwaibwai ae kakawaki aio.

Te Bootaki n aine ao rongorongona e kakorakoraia ao ni boutokaira. Julie B. Beck, te Beretitenti ni Kabuta n te Bootaki n Aine e taku: "Ngkai ngaira Natin te Atua aika aine, kam katauraoi ngkami ibukin tokimi ae akea tokina, ao ngkami n tatabemaniia nako iai kinakimi bwa aine ngkami, rikimi, ao tabemi, Bobongan te utu, bobotaki, te Ekaretia aio ao te tamnei ae moan te kakawaki e mena iaon ami kakaonimaki. . . . [Tamara are i Karawa] E karaoa te Bootaki n Aine ni buokia Ana aomata ni katauraoia ibukin kakabwaia man te tembora. E katea te [Bootaki n Aine] ni boutokaia Natina Aine ma Ana mwakuri ao n tau mwin aia buoka ni katea Abanueana ao ni kakorakorai mwengan nako Tion."¹

E a tia n anganira Tamara are i Karawa mwakuri aika tau ibukin buokan kateakin Tion. E a tia naba ni kakabwaiaira ni bwaintangiran te Tamnei are ti kainanoi ni

kabobonga te mwakuri ae kakawaki aio. Rinanon te Bootaki n Aine, iai iroura te tai ni kamanenai ara bwaintangira ni kakorakoraia taian utu, ni buokiia aika kainano, ao n reiakina te aro ni maiu n aekakin ana reirei Iesu Kristo.

Beretitenti Dieter F. Uchtdorf, Kauoman ni Kauntira n te Moan Beretitentii, e taku n aron te aro n ongeaba: "Man te nakonako ma te rau inanon kawain te ongeaba, ti kota nakoira korakoran ara onimaki ao ara motinnano ni kariaia Nanon te Atua nakon irakin oin nanora."²

Ti na uringira bwa ngaira Natin te Atua aika aine ao ti na kakorakoraia ni maiu kanga Ana Reirei. Ngkana ti karaoia, ti na katea Uean te Atua ikai n te aonaaba ao n riki ni kona n oki nako Matana.

Man Ara Rongorongo ni Kawai

N Eberi 28, 1842, te burabeti are Iotebwa Timiti e taku nakoia aine n te Bootaki n Aine: "Kam a mena inanon te aro are kam a kona ni mwakuri ni kaineti ma te nanoanga are E a tia te Atua ni unikia i [nanomi]. . . . Ngkana kam maiu nakon korakoramii, a bon aki kona ni kararoaki anera mai iroumi."³

Kinaakin mwakan te Bootaki n Aine ni beku ibukiia tabeman ao ni buokiia n tatabemaniia e rikirake

n te onimaki, Zina D. H. Young, te kateniman ni beretitenti ni kabuta n te Bootaki n Aine, e berita nakoia titita n te ririki 1893, "Ngkana kam keniken i nanomi kam na kunea, n ana buobuoki Tamnein te Uea, te bwaeao are batia boona, te kakoaua n te mwakuri aio."⁴

BWAAI AIKA A NA TARAAKI

1. Julie B. Beck, "'Nati Aine inanon Abanueau': Rongorongan ao Ana Mwakuri te Bootaki n Aine," *Riaona*, Nobembwa. 2010, 112, 114.
2. Dieter F. Uchtdorf, "Kawain te Kairaki," *Riaona*, Meei 2009, 76.
3. Iotebwa Timiti, n *Rongorongan te Ekaretia ni kawai*, 4:605.
4. Zina D. H. Young, "How I Gained My Testimony of the Truth," *Young Woman's Journal*, Eberi. 1893, 319.

Man Koroboki aika tabu

Zechariah 2:10; Doctrine ao Covenants 25:1, 10, 16; 138:38–39, 56; "Te Utu: Te Katanoata nakon te Aonaaba" (*Liahona* ao *Ensign*, Nobembwa. 2010, 129)

Tera ae I Kona ni Karaoia?

1. N na kanga ni buokiia titita bwa a na roko n aia konabwai bwa Natin te Atua aika Aine?
2. N na kanga ni kataia ni maiuakina te reirei ao taian kaurring aika anganaki aine inanon Doctrine and Covenants 25?

Ibukin rongorongona riki, nakon www.religionsociety.lds.org.